



Ayera den Hofi Cero Janchi tabata tin un celebracion di MEP cu a tene un acasajo relaciona cu e cambionan di Statuut. E lider di MEP a wordo spera pa un grupo di mucha cu a acompaña pa e Mesa for di cual el a dirigi palabra na e publico presente, den compania di otro dirigentenan di e partido.

SELECCION PARIBA A GANA WEGA DI ESTRELLA AA

ORANJESTAD(AAN)—E seleccion di pariba a gana e weganan di Estrellas di baseball AA diasabra y ayera.

Diasabra e seleccion di pariba a gana e seleccion di pabao cu score di 5-4 cu ambos equipo conectando mes tanto hit cu careda anota y di e 6 errornan 4 tabata di seleccion pariba.

Renny Lacle tabata e pitcher ganador y e perdedor tabata Rock Angela.

Mihor bateadornan pa seleccion di pariba tabata Jessy Buekeboom cu 4-2 y Leonardo Geerman cu 2-1 y pa seleccion di pabao Jozef Albus a bati di 2-2.

Ayera e seleccion di

pariba a gana 9-7 cu 11 hit contra un dozijn di hit di seleccion di pabao.

Tabata tin 10 error cometi den e partido aki di cualnan 6 tabata di seleccion di pariba.

Nildo Wever a resulta pitcher ganador y e perdedor tabata Rock Angela.

Mihor bateadornan a resulta pa seleccion di pabao, Felix Thiel cu 2-2 y tambe Johnny Thiel cu 5-3 y Frank Geerman cu 2-1.

Pa seleccion di pariba Eddy Banfield a bati di 2-1, Jessy Buekeboom 3-2 y Charles de Palm 1-1.

E hungador mas valioso di e serie tabata Jesse Buekeboom di seleccion di pariba.

SELECCION PABAO A GANA WEGA DI ESTRELLA A CLASSE

ORANJESTAD(AAN)—E wega di Estrella di ayera di seleccionnan di pariba y pabao di A clase a termina den victoria pa seleccion di Pabao.

E partido a termina 7-3 cu seleccion pabao conectando un dozijn di hit contra 9 di Pariba.

Di e 7 errornan di wega pariba a comete 4.

Pitcher ganador tabata

Vincent Willems y e perdedor Tico Kock.

Mihor bateadornan a resulta pa seleccion pabao, Kelvin cu 4-3 kende alavez a ser eligi como e hungador mas valioso di e wega di estrella, y Elviz Perez di 2-2.

Mihor Bateador pa seleccion di pariba tabata T. Bryson cu 2-2.

INGLATERA TA DUNA AYUDO FINANCIERO NA VICTIMANAN

MILAN:—Margareth Thatcher prome ministro di Inglatera a bisa presidente di Italia na Milan, cu e ta lamenta e sucedido den Stadion Heysel na Bruselas dia 29 di mei ultimo.

Durante e cumbre Europeo na Milan e prome ministro ingles a informa Prome Ministro Bettino Craxi di Italia cu su gobierno a dicidi di duna ayudo financiero na e 31 italianonan cu tabata entre e 38 victimanan na Bruselas.

Lo delibera cu Italia ariba e manera cu e yudanza lo ser duna. Ta ser

pensa ariba 5000 libra esterlina pa cada victima y esaki ta mas o menos 11 mil florin antillano.

A ser poni den e fondo britanico pa ayudo na e victimanan mas o menos 420 mil florin antillano. Gobierno Italiano y Britanico lo determina con lo usa restante di e placa.

Segun un vocero di e prome ministro ingles, e prome ministro di Italia a keda masha contento cu e ayudo aki. Gobierno Italiano mes a pone un banda pa cada un di e victimanan mas o menos 4 mil florin antillano.

SPECIAL

FOR DI 1 DI JULI TE CU 6 DI JULI
UNICAMENTE 1 SIMAN

Tur Prenda di Oro 14 kt y 18 kt

35% descuento

new amsterdam store
ARUBA Nassaustra 10